

**საქართველოს მთავრობის**  
**დადგენილება**  
**N 420 2010 წლის 29 დეკემბერი ქ. თბილისი**

**საქონლის წარმოშობის ქვეყნის განსაზღვრის**  
**კრიტერიუმების, წარმოშობის დამადასტურებელი**  
**სერტიფიკატის ფორმის, მისი შევსებისა და გაცემის წესის**  
**დამტკიცების თაობაზე**

საქართველოს საგადასახადო კოდექსის 212-ე მუხლის მე-2 ნაწილის შესაბამისად:

**მუხლი 1.** დამტკიცდეს:

ა) საქონლის წარმო-შო-ბის ქვეყნის განსა-ზღვრის კრი-ტერიუმების, წარ-მოშო-ბის დამა-დასტურებელი სერ-ტი-ფიკატის ფორმის, მისი შევსებისა და გა-ცემის წესი (დანართი N1);

ბ) საქონლის შეღავათების გარეშე (არაპრეფერენციული) წარმოშობის სერტიფიკატის ფორმა (დანართი N2);

გ) საქონლის შეღავათიანი (პრეფერენციული) წარმოშობის სერტიფიკატის ფორმა «A» (დანართი N3);

დ) დეკლარაცია საქონლის კუთვნილებისა და კრიტერი-უმების შესახებ (დანართი N4).

**მუხლი 2.** საქართველოს ფინანსთა სამინისტროსა და სა-ქა-რთ-ველოს ეკონომიკისა და მდგრადი განვითარების სამინისტ-როს კოორდინირებული მუშაობის უზრუნველსაყოფად, საქონ-ლის წარმოშობის სერტიფიკატების შესახებ ინფორმაციის ურ-თი-ერთხელმისაწვდომობის მიზნით შეიქმნას ერთიანი ელექტ-რონული ბაზა, რომელშიც ასახული იქნება სათანადო მონა-ცემები საქართველოს ფინანსთა სამინისტროსა და საქარ-თ-ველოს ეკონომიკისა და მდგრადი განვითარების სამინისტროს მიერ გაცემული საქონლის წარმოშობის სერტიფიკატების შესა-ხებ.

**მუხლი 3.** ამ დადგენილების ამოქმედებისთანავე ძალადა-კარგულად გამოცხადდეს საქართველოს ფინანსთა მინისტრისა და საქართველოს ეკონომიკური განვითარების მინისტრის 2009 წლის 30 დეკემბრის N890-N1-1/2978 ერთობლივი ბრძანება «სა-ქონლის წარმოშობის ქვეყნის განსაზღვრის კრიტერიუმების, წე-სის, საქონლის შეღავათიანი (პრეფერენციული) ან შეღა-ვათების გარეშე (არაპრეფე-რენ-ციული) წარმოშობის დამადას-ტურებელი სერტიფიკატის ფორ-მის, მისი გაცემისა და შევსების წესის შესახებ ინსტრუქციის დამტკიცების თაობაზე».

**მუხლი 4.** დადგენილება ამოქმედდეს 2011 წლის 1 იანვრი-დან.

პრემიერ-მინისტრი

ნიკა გილაური

**საქონლის წარმოშობის ქვეყნის განსაზღვრის  
კრიტერიუმების, წარმოშობის დამადასტურებელი სერტიფიკატის ფორმის, მისი  
შევსებისა და გაცემის  
წესი**

**მუხლი 1. ზოგადი დებულებანი**

1. საქონლის წარმოშობის ქვეყანა განისაზღვრება საქართველოს ეკონომიკურ ტერიტორიაზე საქონლის შემოტანისას ან/და საქართველოს ეკონომიკური ტერიტორიიდან საქონლის გატანისას სავაჭრო პოლიტიკის ღონისძიებების გატარების მიზნით.

2. საქონლის წარმოშობის დასადასტურებლად საგადასახადო ორგანოს წარედგინება საქონლის წარმოშობის სერტიფიკატი ან «წარმოშობის ქვეყნის განსაზღვრის შესახებ წინასწარი გადაწყვეტილება» ან ხორციელდება საქონლის წარმოშობის დეკლარირება.

3. საქონლის წარმოშობის დეკლარირება ხორციელდება საქონლის თანმხლები დოკუმენტების, საქონელთან დაკავშირებული სხვა ინფორმაციის (მათ შორის, საქონლის დათვალიერების შედეგების გათვალისწინებით) საგადასახადო ორგანოსთვის მიწოდებით.

4. საქონლის წარმოშობა შეიძლება იყოს შეღავათიანი (პრე-ფერენციული) ან შეღავათების გარეშე (არაპრეფერენციული). აღნიშნულის გათვალისწინებით, საქონლის წარმოშობის სერტიფიკატი შეიძლება იყოს პრეფერენციული ან არა-პრეფერენციული, ხოლო საქონლის წარმოშობის დეკლარირება ან წარმოშობის ქვეყნის განსაზღვრის შესახებ წინასწარი გადაწყვეტილების წარდგენა შეიძლება განხორციელდეს მხოლოდ არაპრეფერენციული მიზნებისათვის.

**მუხლი 2. საქონლის წარმოშობის დამადასტურებელი სერტიფიკატი**

1. საქონლის წარმოშობის დამადასტურებელი სერტიფიკატი წარმოადგენს ექსპორტიორი ქვეყნის უფლებამოსილი ორგანოს მიერ გაცემულ დოკუმენტს, რომელიც ერთმნიშვნელოვნად ადასტურებს საქონლის წარმოშობის ქვეყანას.

2. თუ საგადასახადო ორგანო ეჭვს შეიტანს საქონლის წარმოშობის დამადასტურებელი სერტიფიკატის ნამდვილობაში ან მასში აღნიშნული მონაცემების სისწორეში, მას შეუძლია თხოვნით მიმართოს სერტიფიკატის გამცემ ორგანოს ან სერტიფიკატის გამცემი ქვეყნის სხვა კომპეტენტურ უწყებას დამატებითი ან დაზუსტებული მონაცემების მისაღებად.

3. საქართველოს ეკონომიკურ ტერიტორიაზე საქონლის შემოტანისას საქონლის წარმოშობის ქვეყნის დადასტურება ხდება ექსპორტიორი ქვეყნის უფლებამოსილი ორგანოს მიერ გაცემული წარმოშობის სერტიფიკატით, ხოლო გატანისას – საქართველოს უფლებამოსილი ორგანოს მიერ გაცემული წარმოშობის სერტიფიკატით, თუ კანონმდებლობით სხვა რამ არ არის გათვალისწინებული.

4. საქონლის რეექსპორტის დროს საქონლის წარმოშობის ქვეყნის განსაზღვრა ხდება საქართველოს ეკონომიკურ ტერიტორიაზე მისი შემოტანისას თანმხლები, ექსპორტიორი ქვეყნის მიერ გაცემული წარმოშობის სერტიფიკატის საფუძველზე, ხოლო სერტიფიკატის არქონის შემთხვევაში – საქართველოდან საქონლის ექსპორტის დროს წარმოშობის ქვეყნის განსაზღვრის კრიტერიუმების შესაბამისად.

5. საქართველოს ეკონომიკური ტერიტორიიდან საქონლის გატანის დროს წარმოშობის სერტიფიკატები გაიცემა საქართველოს ეკონომიკისა და მდგრადი განვითარების სამინისტროს უფლებამოსილი ორგანოს ან საქართველოს ფინანსთა სამინისტროს მმართველობის სფეროში შემავალი საჯარო სამართლის იურიდიული პირის – შემოსავლების სამსახურის ან საქართველოს სავაჭრო-სამრეწველო პალატის ან საქართველოს ავტონომიურ რესპუბლიკებში საქართველოს ფინანსთა და საქართველოს ეკონომიკისა და მდგრადი განვითარების სამინისტროების მიერ განსაზღვრული უფლებამოსილი ორგანოების მიერ. ყურძნისეული წარმოშობის პროდუქტების ექსპორტირებისას წარმოშობის სერტიფიკატს გასცემს საქართველოს სოფლის მეურნეობის სამინისტროს სახელმწიფო კონტროლს დაქვემდებარებული საჯარო სამართლის იურიდიული პირი – ვაზისა და ღვინის დეპარტამენტი „სამტრესტი“, საქართველოს სოფლის მეურნეობის სამინისტროს მიერ განსაზღვრული წესით.

6. თავისუფალ ინდუსტრიულ ზონაში წარმოებულ საქონელზე საქართველოს ეკონომიკისა და მდგრადი განვითარების სამინისტრო უშუალოდ ან წარმომადგენლის მეშვეობით გასცემს საქონლის საქართველოში წარმოშობის დამადასტურებელ შესაბამისი ფორმის სერტიფიკატს.

7. საქონლის წარმოშობის სერტიფიკატი ოთხი სახისაა:

ა) საქონლის შეღავათების გარეშე (არაპრეფერენციული) წარმოშობის სერტიფიკატი (დანართი N2);

ბ) საქონლის შეღავათიანი (პრეფერენციული) წარმოშობის სერტიფიკატი – ფორმა «A» (დანართი N3);

გ) პრეფერენციული წარმოშობის სერტიფიკატი CT-1;

დ) პრეფერენციული წარმოშობის სერტიფიკატი EUR.1.

8. საქონლის შეღავათიანი (პრეფერენციული) წარმოშობის სერტიფიკატი – ფორმა «A» გაიცემა საქართველოს ეკონომიკური ტერიტორიიდან განსაზღვრული საქონლის განსაზღვრულ ქვეყნებში («პრეფერენციების გენერალიზებული სისტემის» მომნიჭებელ ქვეყნებში) ექსპორტის დროს. წარმოშობის ქვეყნის განსაზღვრის კრიტერიუმები და სერტიფიკატის გაცემისა და შევსების წესები განისაზღვრება პრეფერენციის მომნიჭებელი ქვეყნის დირექტივებით.

9. საქონლის შეღავათების გარეშე (არაპრეფერენციული) წარმოშობის სერტიფიკატი გაიცემა ყველა სხვა დანარჩენ ქვეყანაში საქონლის გატანის დროს,

გარდა საქართველოს სა-ერ-თაშორისო ხელშეკრულებებით გათვალისწინებული შემთხ-ვევებისა.

10. საქონლის წარმოშობის CT-1 სერტიფიკატი გაიცემა დამოუკიდებელ სახელმწიფოთა თანამეგობრობის მეთაურთა საბ--ჭოს 2000 წლის 30 ნოემბრის გადაწყვე-ტილების შე-საბა-მისად.

11. საქონლის წარმოშობის სერტიფიკატი EUR.1 გაიცემა «საქართველოსა და თურქეთის რესპუბლიკას შორის თავისუ-ფა-ლი ვაჭრობის შესახებ» 2007 წლის 21 ნოემბრის შეთანხ-მების შესაბამისად.

### **მუხლი 3. საქონლის წარმოშობის დეკლარირება**

1. საქართველოს ეკონომიკურ ტერიტორიაზე საქონლის შემოტანისას ან/და საქართველოს ეკონომიკური ტერიტო-რიი-დან საქონლის გატანისას, თუ ამ საქონელს არ ახლავს წარ-მო-შობის დამადასტურებელი სერტიფიკატი, ხორციელდება სა-ქონლის წარმოშობის დეკლარირება.

2. საქონლის წარმოშობის დეკლარირების მიზნებისათვის საქონლის თანმხლები დოკუმენტებია:

ა) საქონლის ნასყიდობის ხელშეკრულება;

ბ) ანგარიშსწორების დოკუმენტები \_ ანგარიშ-ფაქტურა (ინ--ვოი-სი), პროფორმა ინვოისი, შეფუთვის ფურცლები;

გ) სერტიფიკატები \_ შესაბამისობის, საქონლის გადაადგი-ლების (EUR.1), ვეტერინარული და ფიტოსერტი-ფიკატები.

3. საქონლის თანმხლებ დოკუმენტებთან ერთად, საქონ-ლის წარმოშობის დეკლარირების მიზნებისათვის, პირის მიერ შესაძლებელია წარმოდგენილ იქნეს: საქონლის დამამზადებ-ლის ან გამყიდველის მიერ საქონელთან დაკავშირებით გა-ცე-მული დოკუმენტები, ექსპორტიორი ან/და სატრანზიტო ქვეყ-ნის სასაქონლო დეკლარაცია, ექსპორტიორის წერილობითი განაც-ხადი (დეკლარაცია) ან სხვა დოკუმენტები, რომლებიც შეი-ცავს მონაცემებს წარმოშობის ქვეყნის შესახებ და თან ახლავს საქონელს ან მიღებულია ფოსტით, ფაქსით ან ელექტ-რონული ფოსტით.

4. იმ შემთხვევაში, თუ წარმოდგენილ დოკუმენტებში არ არის საკმარისი ინფორმაცია საქონლის წარმოშობის ქვეყნის შესახებ, დეკლარანტის მიერ გამოიყენება მონაცემები, რომლებიც განთავსებულია უშუალოდ საქონელზე: იარლიყები, ეტი-კეტები, მარკირება და ა.შ. (გარდა შტრიხ-კოდებისა).

### **მუხლი 4. წარმოშობის ქვეყნის განსაზღვრის შესახებ წინასწარი გადაწყვეტილება**

1. საქართველოს ეკონომიკურ ტერიტორიაზე საქონლის შემოტანისას ან/და საქართველოს ეკონომიკური ტერიტო-რიი-დან საქონლის გატანისას, თუ ამ საქონელს არ ახლავს წარმოშობის სერტიფიკატი, საქონლის წარმოშობის დადგენა შესაძლებელია «წარმოშობის ქვეყნის განსაზღვრის შესახებ წინასწარი გადაწყვეტილებით» (შემდგომში \_ წინასწარი გადა-წყვე-ტილება).

2. წინასწარ გადაწყვეტილებას სავალდებულო იურიდი-ული ძალა აქვს ყველა საგადასახადო ორგანოსათვის მხოლოდ გადაწყვეტილებაში მოცემული საქონლის

წარმოშობის ქვეყნის განსაზღვრის საკითხთან მიმართებით, თუ ასეთი გადაწყვეტილება მიღებულია (გამოცემულია) აღნიშნულ საქონელზე სა-საქონლო დეკლარაციის წარდგენამდე და დეკლარირებული საქონლის ფაქტობრივი მონაცემები და ინფორმაცია სრულად შეესაბამება იმ ინფორმაციას, რომლის საფუძველზედაც იქნა მიღებული გადაწყვეტილება.

3. წარმოშობის ქვეყნის განსაზღვრის შესახებ წინასწარი გადაწყვეტილების მიღებისათვის წარსადგენი დოკუმენტების ნუსხა, აგრეთვე საჭიროების შემთხვევაში საქონლის სინჯის ან/და ნიმუშის, ლაბორატორიული დასკვნის წარდგენის, გადაწყვეტილების მიღების ან მიღებაზე უარის თქმის, გადაწყვეტილების ძალადაკარგულად გამოცხადების წესები განისაზღვრება საქართველოს ფინანსთა მინისტრის ბრძანებით, საქარ-თვე-ლოს საგადასახადო კოდექსის 47-ე მუხლის მოთხოვნების შესაბამისად.

### **მუხლი 5. წარმოშობის ქვეყნის განსაზღვრის კრიტერიუმები**

საქონლის ექსპორტის (რეექსპორტის) დროს საქონლის წარმოშობის ქვეყნის განსაზღვრის კრიტერიუმებია:

- ა) მოცემულ ქვეყანაში მთლიანად წარმოებული საქონლის კრიტერიუმი;
- ბ) საგარეო ეკონომიკური საქმიანობის ეროვნული სასა-ქონ-ლო ნომენკლატურის (სეს ესნ) სასაქონლო პოზიციის პირ-ველ ოთხნიშნა დონეზე ცვლილების კრიტერიუმი;
- გ) ადვალური (ღირებულებითი) წილის კრიტერიუმი;
- დ) აუცილებელი პირობების, საწარმოო და ტექნოლო-გიური ოპერაციების კრიტერიუმი.

### **მუხლი 6. მოცემულ ქვეყანაში მთლიანად წარმოებული საქონლის კრიტერიუმი**

1. საქონელი, რომელიც მთლიანად წარმოებულია განსა-ზღვ-რულ ქვეყანაში, წარმოადგენს ამ ქვეყანაში წარმოშობილს.

2. მოცემულ ქვეყანაში მთლიანად წარმოებულად მიიჩნევა მხოლოდ:

- ა) სასარგებლო წიაღისეული, მოპოვებული მოცემული ქვეყნის წიაღებიდან, მისი ტერიტორიული წყლიდან ან ზღვის ფსკერიდან;
- ბ) მცენარეული წარმოშობის პროდუქცია, მოყვანილი ან შეგროვებული ამ ქვეყანაში;
- გ) ამ ქვეყანაში გაჩენილი და გაზრდილი ცხოველები;
- დ) ამ ქვეყანაში ბინადარი ცხოველებისაგან მიღებული პრო-დუქტები;
- ე) ამ ქვეყანაში ნადირობისა და თევზჭერის შედეგად მი-ღებული პროდუქცია;
- ვ) საზღვაო თევზჭერის შედეგად მიღებული და საზღვაო წარმოშობის სხვა პროდუქცია, მოპოვებული ამ ქვეყნის გემის საშუალებით;
- ზ) ამ ქვეყნის სარეწ გემზე მიღებული პროდუქცია, რო-მელიც მხოლოდ ამ პუნქტის «ვ» ქვეპუნქტში აღნიშნული პროდუქციისაგან არის წარმოებული;
- თ) პროდუქცია, რომელიც მოცემული ქვეყნის ფარგლებს გა-რეთ მდებარე ზღვის ფსკერიდან ან ზღვის ფსკერის წიაღი-დან არის მიღებული, მხოლოდ იმ

პირობით, თუ ქვეყანას აქვს ზღვის ფსკერის ან წიაღის ამ მონაკვეთის დამუშავების სა-განგებო უფლებები;

ი) საწარმოო ოპერაციების შედეგად მიღებული ნარჩენები, ჯართი და ნახმარი ნაკეთობები, რომელთა შეგროვება განხორციელდა მოცემულ ქვეყანაში და რომელთა გამოყენება შეიძლება მხოლოდ ნედლეულად გადამუშავებისათვის;

კ) საქონელი, რომელიც წარმოებულია მოცემულ ქვე-ყა-ნა-ში ამ პუნქტის „ა – ი» ქვეპუნქტებში მითითებული პროდუქ-ციი-სა-გან.

**მუხლი 7. საგარეო ეკონომიკური საქმიანობის ეროვნული სასაქონლო ნომენკლატურის (სეს ესნ) სასაქონლო პოზიციის პირველ ოთხნიშნა დონეზე ცვლილების კრიტერიუმი**

1. საგარეო ეკონომიკური საქმიანობის ეროვნული სასა-ქონ-ლო ნომენკლატურის (სეს ესნ) სასაქონლო პოზიციის პირ-ველ ოთხნიშნა დონეზე ცვლილების კრიტერიუმი ნიშნავს საქონლის გადამუშავებას მოცემულ ქვეყანაში ისეთი დოზით, როდესაც გადასამუშავებელი საქონელი იცვლის პირველი 4 სა-საქონლო პოზიციიდან თუნდაც ერთ ნიშანს (ციფრს) (მა-გალითად, 2204 შეიცვალა 2205-ით). ამ შემთხვევაში ითვლე-ბა, რომ საქონელი წარმოშობილია იმ ქვეყანაში, სადაც გან-ხორ-ციელდა ეს ცვლილება.

2. მოცემული კრიტერიუმით საქონლის წარმოშობის ქვეყ-ნის განსაზღვრის დროს გამოიყენება საქართველოს ფინანსთა მინისტრის ბრძანებით დამტკიცებული საგარეო ეკონომიკური საქმიანობის ეროვნული სასაქონლო ნომენკლატურა (სეს ესნ).

**მუხლი 8. ადვალური (ღირებულებითი) წილის კრიტერიუმი**

1. ადვალური (ღირებულებითი) წილის კრიტერიუმის გა-მოყენების დროს საქონელი ითვლება იმ ქვეყანაში წარმოშო-ბილად, სადაც არის წარმოშობილი ამ საქონლის დასამ-ზადებლად გამოყენებული მასალები და ნედლეული, ხოლო ამ მასალებისა და ნედლეულის ღირებულება შეადგენს მზა პრო-დუქციის ღირებულების სულ ცოტა 51%-ს.

2. იმ შემთხვევაში, თუ ამ მუხლის პირველ პუნქტში მითი-თებული მასალებისა და ნედლეულის წარმოშობის ქვეყნები სხვადასხვაა და მათი საერთო ღირებულება აჭარბებს მზა პროდუქციის ღირებულების 51%-ს, მაშინ მზა პროდუქცია ჩა-ითვლება იმ ქვეყანაში წარმოშობილად, სადაც არის წარმოშო-ბილი ის მასალა და ნედლეული, რომელთა ღირებულების პრო-ცენტული წილი უდიდესია.

3. იმ შემთხვევებში, როდესაც წარმოშობის ქვეყნის გან-საზღვრის კრიტერიუმი გამოიხატება ადვალური (ღირებულებითი) წილის წესით, ღირებულებები, რომელთა გათვა-ლის-წი-ნება ხდება, უნდა იყოს შემდეგი:

ა) შემოტანილი მასალებისათვის – მათი სატარიფო ღი-რე-ბულება შემოტანისას;

ბ) მზა საქონლისათვის – ფასი ფრანკოქარხნის ან ექს-პორ--ტის სატარიფო ღირებულების მიხედვით.

## **მუხლი 9. აუცილებელი პირობების, საწარმოო და ტექნოლოგიური ოპერაციების კრიტერიუმი**

1. საქონელი, რომლის წარმოებაში ჩაბმული იყო ორი ან მეტი ქვეყანა, ჩაითვლება იმ ქვეყანაში წარმოშობილად, სადაც მან განიცადა ბოლო მნიშვნელოვანი ტრანსფორმაცია.

2. ამ მუხლის მიზნებისათვის ტერმინი «ბოლო მნიშვნელოვანი ტრანსფორმაცია» ნიშნავს მნიშვნელოვან და ეკონომიკურად გამართლებულ გადამუშავებას ან ამ მიზნებისათვის აღჭურვილ საწარმოში შესრულებულ სამუშაოს, რომლის შედეგადაც წარმოებული იქნა ახალი პროდუქცია ან რომელიც წარმოადგენს წარმოების პროცესის მნიშვნელოვან ეტაპს.

## **მუხლი 10. ოპერაციები, რომლებიც არ გაითვალისწინება საქონლის წარმოშობის ქვეყნის კრიტერიუმის დადგენის დროს**

1. ოპერაციები, რომლებიც ვერ უზრუნველყოფს საქონლის ძირითადი მახასიათებლების ან თვისებების მიღებას ან უზრუნველყოფენ მათ მხოლოდ უმნიშვნელო ოდენობით, ძირითადად კი, ოპერაციები, რომლებიც შეიცავს ერთ ან რამდენიმე ოპერაციას ქვემოთ ჩამოთვლილთაგან, არ უნდა იქნეს მიჩნეული როგორც საქონლის წარმოებისა და გადამუშავებისათვის მნიშვნელოვანი ოპერაციები:

ა) ოპერაციები, რომლებიც აუცილებელია საქონლის ტრანსპორტირების ან შენახვის უზრუნველსაყოფად;

ბ) საქონლის გარეგანი სახის ან კომერციული ხარისხის გაუმჯობესების ან მისი ტრანსპორტირებისათვის მომზადების ოპერაციები, რომლებშიც შედის საქონლის პარტიის დაყოფა, შეფუთვების დაჯგუფება, სორტირება, მარკირება, მეორეული შეფუთვა;

გ) მარტივი აწყობითი ოპერაციები;

დ) სხვადასხვა წარმოშობის საქონლის შერევა იმ პირობით, რომ მიღებული პროდუქციის მახასიათებლები არსებითად არ განსხვავდება იმ პროდუქტების მახასიათებლებისაგან, რომელთა შერევაც ხდება.

2. აუწყობელი ან დაშლილი საქონელი, რომლის შემოტანა ხდება ორზე მეტი პარტიით, მათი ერთი პარტიით შემოტანის მიზანშეუწონლობის გამო, სატრანსპორტო ან საწარმოო ხასიათის მიზეზით, იმპორტიორის მოთხოვნით მიჩნეულ უნდა იქნეს ერთ ნაკეთობად მისი წარმოშობის დასადგენად.

3. წარმოშობის განსაზღვრის მიზნით შეფუთვა უნდა ჩაითვალოს იმავე ქვეყანაში წარმოშობილად როგორც შეფუთული საქონელი.

4. საქონლის წარმოშობის განსაზღვრის მიზნით იმ შემთხვევებში, როდესაც ითვლება, რომ შეფუთვა იმავე წარმოშობისაა, რაც საქონელი, გათვალისწინებულ უნდა იქნეს მხოლოდ ის შეფუთვა, რომელშიც ჩვეულებრივ ხდება ამ საქონლის რეალიზაცია საცალო ვაჭრობაში, განსაკუთრებით იმ შემთხვევაში, როდესაც გამოიყენება ადვალური (ღირებულებითი) წილის კრიტერიუმი.

5. საქონლის წარმოშობის განსაზღვრის დროს არ გაით-ვალისწინება ენერჯის, მოწყობილობების, მანქანა-იარაღების წარმოშობის ქვეყანა, რომლებიც გამოიყენება საქონლის წარ-მოებისა და გადამუშავებისათვის.

**მუხლი 11. საქონლის შეღავათების გარეშე (არაპრეფერენციული) წარმოშობის სერტიფიკატის (დანართი N2) ფორმა, შევსების ენა და გაცემა**

1. საქონლის შეღავათების გარეშე (არაპრეფერენციული) წარმოშობის სერტიფიკატი (შემდგომში – არაპრეფერენციული წარმოშობის სერტიფიკატი) არის საქონლის აღწერის განსაზღვრული ფორმის დოკუმენტი, რომლითაც მისი გაცემისათვის უფლებამოსილი ორგანო ერთმნიშვნელოვნად ადასტურებს, რომ საქონელი, რომელზეც გაცემულია ეს სერტიფიკატი, წარ-მო-შობილია მოცემული ქვეყნიდან.

2. არაპრეფერენციული წარმოშობის სერტიფიკატის წარდ-გენა საგადასახადო ორგანოსათვის სავალდებულო არ არის, გარდა კანონმდებლობით პირდაპირ გათვალისწინებული შემთ-ხ-ვევებისა.

3. საგადასახადო ორგანოს უფლება აქვს, წერილობით მი-მართოს ექსპორტიორი ქვეყნის არაპრეფერენციული წარმო-შო-ბის სერტიფიკატის გამცემ უფლებამოსილ ორგანოს არაპრეფერენციული წარმოშობის სერტიფიკატის ნამდვილობასა და/ან თაღლითობაში ექვს შეტანის შემთხვევაში.

4. არაპრეფერენციული წარმოშობის სერტიფიკატის ბლან-კე-ბი უნდა იყოს დაბეჭდილი:

ა) საქართველოდან საქონლის ექსპორტის (რეექსპორტის) დროს – ქართულ ან/და ინგლისურ ენებზე;

ბ) საქართველოში საქონლის იმპორტის დროს – ინგ-ლი-სურ ან ფრანგულ ენებზე.

5. იმ შემთხვევებში, როდესაც არაპრეფერენციული წარ-მოშობის სერტიფიკატი არ ივსება ქართულად, საგადასახადო ორგანოებმა არ უნდა მოითხოვონ არაპრეფერენციული წარ-მოშობის სერტიფიკატში მოცემული ინფორმაციის თარგმანი.

6. საქართველოში არაპრეფერენციული წარმოშობის სერ-ტი-ფიკატის გაცემისათვის უფლებამოსილი ორგანოები ვალდე-ბული არიან სულ ცოტა 3 წლის განმავლობაში შეინახონ განცხადებები ან საკონტროლო ეგზემპლარები, რომლებიც ეხე-ბა მათ მიერ გაცემულ არაპრეფერენციული წარმოშობის სერტიფიკატებს.

7. არაპრეფერენციული წარმოშობის სერტიფიკატი უნდა გაფორმდეს A4 ფორმატის (210X297მმ) საერთაშორისო ნიმუშის ბლანკზე, რომელიც შემუშავებულია სტანდარტიზაციის საერ-თა-შორისო ორგანიზაციის (სსო) მიერ.

8. არაპრეფერენციული წარმოშობის სერტიფიკატი ივსება 4 ეგზემპლარად, რომელთაგან ერთი არის ფერადი, ხოლო და-ნარ-ჩენი – თეთრი.

9. ფერადი და ორი თეთრი ეგზემპლარი გადაეცემა ექს-პორტიორს, ხოლო ერთი თეთრი ეგზემპლარი რჩება გამცემ ორ-განოს.

10. არაპრეფერენციული წარმოშობის სერტიფიკატის რო-გორც ფერადი, ისე თეთრი ეგზემპლარები წარმოადგენს ორი-გინალს. საგადასახადო ორგანო საქონლის



ექსპორტის (რექს-პორტის) დროს იტოვებს თეთრი ფერის ეგზემპლარს, ხოლო იმპორტის დროს – შესაბამისი ქვეყნის გაცემულ ორიგინალს. ექსპორტის დროს სერტიფიკატის წარდგენა ნებაყოფლობითია.

11. არაპრეფერენციული წარმოშობის სერტიფიკატის და-ზიანების ან დაკარგვის შემთხვევაში ექსპორტიორის განცხადების საფუძველზე დამატებით შეიძლება გაიცეს არაპრეფერენციული წარმოშობის სერტიფიკატის დუბლიკატი.

12. არაპრეფერენციული წარმოშობის სერტიფიკატის გა-ცემის შესახებ დადებითი გადაწყვეტილების შემთხვევაში გამ-ცემი ორგანოს უფლებამოსილი პირი ექსპორტიორს გადას-ცემს დად-გენილი წესით გაფორმებულ არაპრეფერენციული წარმო-შობის სერტიფიკატის ეგზემპლარებს და შესაბამის ჩანაწერს აკეთებს რეესტრში.

13. განმცხადებლის მიერ შესაბამისი რაოდენობის არაპრე-ფერენციული წარმოშობის სერტიფიკატის მიღება დასტურდება რეესტრში მისი ხელმოწერით.

14. არაპრეფერენციული წარმოშობის სერტიფიკატი გაი-ცემა ექსპორტიორის განცხადების რეგისტრაციიდან არა უგ-ვიანეს 3 სამუშაო დღის განმავლობაში.

15. არაპრეფერენციული წარმოშობის სერტიფიკატის გაცე-მის შესახებ უარყოფითი გადაწყვეტილება უნდა იყოს მოტივი-რებული, რის შესახებაც შესაბამისი ჩანაწერი კეთდება რე-ესტრში. განმცხადებლის მოთხოვნის შემთხვევაში აღნიშნულის შესახებ გამცემი ორგანო მას აცნობებს წერილობით.

16. არაპრეფერენციული წარმოშობის სერტიფიკატის გაცე-მი-სათვის აუცილებელი დოკუმენტებია:

ა) განცხადება (უნდა შეიცავდეს საქონლის დასა-ხელებას სასაქონლო კოდის ოთხნიშნა დონეზე მითითებით, საქონლის ოდენობას, ექსპორტიორისა და იმპორტიორის დასახელებას, მისამართსა და ქვეყანას);

ბ) დეკლარაცია საქონლის კუთვნილებისა და კრიტერი-უმების შესახებ, ამ დადგენილების N4 დანართის შესაბამისად;

გ) კონტრაქტი;

დ) ანგარიშ-ფაქტურა.

17. არაპრეფერენციული სერტიფიკატის გამცემი ორგანო იტოვებს და ინახავს განცხადებას და ამ მუხლის მე-16 პუნ-ქტში აღნიშნული დოკუმენტების ასლებს დადგენილი წესით.

## **მუხლი 12. არაპრეფერენციული წარმოშობის სერტიფიკატის (დანართი N2) შევსების წესი**

1. გრაფა NN1 – მიეთითება ექსპორტიორის სამართლებ-რი-ვი ფორმა და დასახელება, იურიდიული მისამართი და ქვეყანა.

2. გრაფა NN2 – აღინიშნება სერტიფიკატის ნომერი და მი-ე-თითება «ორიგინალი». თუ არაპრეფერენციული წარმოშობის სერტიფიკატი გაიცემა დაკარგული ან დაზიანებული ორიგი-ნალის სანაცვლოდ, ახალ სერტიფიკატზე სათაურთან მიეთი-თება სიტყვა «დუბლიკატი». სერტიფიკატის ორიგინალისა და დუბლიკატის ასლებზე სათაურის გვერდით მიეთითება სიტყვა «ასლი». ეს გრაფა ასევე განკუთვნილია იმ ორგანიზაციის და-სახელების (ლოგოტიპი, ემბლემა)

მითითებისათვის, რომელიც გასცემს სერტიფიკატს, და უნდა მოიცავდეს ადგილს სხვა ოფი-ციალური ხასიათის ინფორმაციის შესატანად.

3. გრაფა N3 \_ მიეთითება იმპორტიორის სამართლებრივი ფორმა და დასახელება, იურიდიული მისამართი და ქვეყანა. ამ გრაფაში გათვალისწინებული ცნობები შეიძლება შეიცვალოს წარწერით «საორდერო» და, თუ ეს შესაძლებელი იქნა, დანიშნულების ქვეყნის სახელით.

4. გრაფა N4 \_ ეს გრაფა შეიძლება გამოყენებულ იქნეს და--მა-ტებითი ინფორმაციის შესატანად სატრანსპორტო საშუა-ლების, მისი მარშრუტის შესახებ და ა.შ., რომელიც მითითე-ბული იქნება აუცილებლობის შემთხვევაში, არაპრეფერენ-ცი-ული წარმოშობის სერტიფიკატის გამცემი ორგანოს გადაწყ-ვეტი-ლებით.

5. გრაფა NN5 \_ მიეთითება საქონლის ადგილების რაოდე-ნობა და საქონლის დასახელება სეს ესნ-ის ოთხნიშნა კოდის დონეზე.

6. გრაფა NN6 \_ მიეთითება საქონლის ბრუტო-წონა.

7. გრაფა NN7 \_ მიეთითება საქონლის ანგარიშ-ფაქტურის (ინ-ვოისის) ნომერი და თარიღი.

8. გრაფა N8 \_ ეს გრაფა დატოვებულია ცნობებისათვის (მაგ., რეექსპორტის დროს წინმსწრები სერტიფიკატის რეკვიზი-ტები, ასეთის არსებობის შემთხვევაში). აქვე დაისმება არა-პრე-ფერენციული წარმოშობის სერტიფიკატის გამცემი ორგა-ნოს ბეჭედი (ასეთის არსებობის შემთხვევაში).

9. მე-9 გრაფაში \_ აღინიშნება საქონლის წარმოშობის ქვე-ყა-ნა.

10. მე-10 გრაფაში \_ აღინიშნება სერტიფიკატის გამცემი ორ-გა-ნო.

11. მე-11 გრაფაში \_ მიეთითება სერტიფიკატის გაცემის თა--რიღი და დრო.

12. მე-12 გრაფაში \_ დაისმება სერტიფიკატის გაცემისა-თვის უფლე-ბა-მოსილი პირის ხელმოწერა.

13. არაპრეფერენციული წარმოშობის სერტიფიკატის შევ-სების დროს დაცული უნდა იყოს შემდეგი მოთხოვნები:

ა) ბლანკები შესაძლებელია შეივსოს ნებისმიერი ხერხით, ამასთან, ჩანაწერები არ უნდა იმლებოდეს და გარკვევით უნდა იყოს დაწერილი;

ბ) აღნიშვნებისა და შესწორებების გაკეთება არაპრე-ფე-რენ-ციული წარმოშობის სერტიფიკატებზე დაუშვებელია;

გ) შეუვსებელ გრაფებში აუცილებლად უნდა იყოს გასმუ-ლი ხაზი მათში შემდგომი დამატებების შეტანის თავიდან ასა-ცილებლად.

### **მუხლი 13. საქონლის შეღავათიანი (პრეფერენციული) წარმოშობის სერტიფიკატი \_ ფორმა «A»-ს (დანართი N3) ფორმა, შევსების ენა და გაცემა**

1. საქონლის შეღავათიანი (პრეფერენციული) წარმოშობის სერტიფიკატი \_ ფორმა «A» (შემდგომში \_ პრეფერენციული წარმოშობის სერტიფიკატი) არის საქონლის აღწერის განსაზღ-ვრული ფორმის დოკუმენტი, რომლითაც მისი გაცემისათვის უფლებამოსილი ორგანო ერთმნიშვნელოვნად ადასტურებს, რომ საქონელი, რომელზეც გაცემულია ეს სერტიფიკატი, წარ-მო-შობილია მოცემული ქვეყნიდან.

2. პრეფერენციული წარმოშობის სერტიფიკატის ბლანკები უნდა იყოს დაბეჭდილი ინგლისურ ენაზე.

3. საქართველოში პრეფერენციული წარმოშობის სერტიფიკატის გაცემისათვის უფლებამოსილი ორგანოები ვალდებული არიან შეინახონ სულ ცოტა 3 წლის განმავლობაში განცხადებები ან საკონტროლო ეგზემპლარები, რომლებიც ეხება მათ მიერ გაცემულ პრეფერენციული წარმოშობის სერტიფიკატებს.

4. პრეფერენციული წარმოშობის სერტიფიკატი უნდა გაფორმდეს A4 ფორმატის (210X297მმ) საერთაშორისო ნიმუშის ბლანკზე, რომელიც შემუშავებულია სტანდარტიზაციის საერთაშორისო ორგანიზაციის (სსო) მიერ.

5. პრეფერენციული წარმოშობის სერტიფიკატი ივსება 3 ეგზემპლარად, რომელთაგან ორი არის ფერადი, ხოლო ერთი – თეთრი.

6. ერთი ფერადი და თეთრი ეგზემპლარი გადაეცემა ექსპორტიორს, ხოლო ერთი ფერადი ეგზემპლარი რჩება გამცემ ორგანოს.

7. პრეფერენციული წარმოშობის სერტიფიკატის როგორც ფერადი, ისე თეთრი ეგზემპლარები წარმოადგენს ორიგინალს. საგადასახადო ორგანოში საქონლის ექსპორტისას თეთრი ფე-რის ეგზემპლარის წარდგენა ნებაყოფლობითია.

8. პრეფერენციული წარმოშობის სერტიფიკატის დაზიანების ან დაკარგვის შემთხვევაში ექსპორტიორის განცხადების საფუძველზე დამატებით შეიძლება გაიცეს პრეფერენციული წარმოშობის სერტიფიკატის დუბლიკატი.

9. პრეფერენციული წარმოშობის სერტიფიკატის გაცემის შესახებ დადებითი გადაწყვეტილების შემთხვევაში გამცემი ორგანოს უფლებამოსილი პირი ექსპორტიორს გადასცემს დადგენილი წესით გაფორმებულ პრეფერენციული წარმოშობის სერტიფიკატის ეგზემპლარებს და შესაბამის ჩანაწერს აკეთებს რეესტრში.

10. განმცხადებლის მიერ შესაბამისი რაოდენობის პრეფერენციული წარმოშობის სერტიფიკატის მიღება დასტურდება რეესტრში მისი ხელმოწერით.

11. პრეფერენციული წარმოშობის სერტიფიკატი გაიცემა ექსპორტიორის განცხადების რეგისტრაციიდან არა უგვიანეს 3 სამუშაო დღის განმავლობაში.

12. პრეფერენციული წარმოშობის სერტიფიკატის გაცემის შესახებ უარყოფითი გადაწყვეტილება უნდა იყოს მოტივირებული, რის შესახებაც შესაბამისი ჩანაწერი კეთდება რეესტრში. განმცხადებლის მოთხოვნის შემთხვევაში აღნიშნულის შესახებ გამცემი ორგანო მას აცნობებს წერილობით.

13. პრეფერენციული წარმოშობის სერტიფიკატის გაცემი-სა-თვის აუცილებელი დოკუმენტებია:

ა) განცხადება (უნდა შეიცავდეს საქონლის დასახელებას სეს ესნ-ის თერთმეტნიშნა კოდის დონეზე, საქონლის ოდე-ნობას, ექსპორტიორისა და იმპორტიორის დასახელებას, მისა-მართსა და ქვეყანას);

ბ) დეკლარაცია საქონლის კუთვნილებისა და კრიტერიუმების შესახებ, ამ დადგენილების N4 დანართის შესაბამისად;

გ) კონტრაქტი;

დ) ანგარიშ-ფაქტურა (ინვოისი).

14. პრეფერენციული სერტიფიკატის გამცემი ორგანო იტოვებს და ინახავს განცხადებას და ამ მუხლის მე-13 პუნქტში აღნიშნული დოკუმენტების ასლებს დადგენილი წესით.

#### **მუხლი 14. პრეფერენციული წარმოშობის სერტიფიკატის (დანართი N3) შევსების წესები**

1. გრაფა N1 \_ მიეთითება ექსპორტიორის სამართლებ-რი-ვი ფორმა და დასახელება, იურიდიული მისამართი და ქვე-ყანა.

2. გრაფა N2 \_ მიეთითება საქონლის მიმღების დასა-ხე-ლება, იურიდიული მისამართი და ქვეყანა ისეთი სიზუსტით, რამ-დენადაც ეს ცნობილია.

3. გრაფა N3 \_ ეს გრაფა შეიძლება გამოყენებულ იქნეს დამატებითი ინფორმაციის შესატანად სატრანსპორტო საშუა-ლებისა და მისი მარშრუტის შესახებ იმ შემთხვევაში, თუ ეს ცნობილია.

4. გრაფა N4 \_ ეს გრაფა დატოვებულია დამატებითი ოფი-ცია-ლური ცნობებისათვის. შევსება არ არის სავალდებ-ბუ-ლო.

5. გრაფა N5 \_ მიეთითება საქონლის ნუმერაცია იმ შემ-თხ-ვევაში, თუ ერთ სერტიფიკატში რამდენიმე სახეობის საქონ-ლის ჩამო-ნათვალია. შევსება არ არის სავალდებულო.

6. გრაფა N6 \_ მიეთითება საქონლის შეკვრების ნომერი და ნიშნები. შევსება არ არის სავალდებულო.

7. გრაფა N7 \_ მიეთითება საქონლის შეკვრების რაოდენ-ობა და სახეობა, საქონლის დასახელება (სეს ესნ-ის კოდი (არანაკლებ ოთხნიშნა დონეზე) და სხვა ცნობები, რაც სა-ქონ-ლის იდენტიფიკაციისათვის არის აუცილებელი.

8. გრაფა N8 \_ მიეთითება წარმოშობის კრიტერიუმები.

9. გრაფა N9 \_ მიეთითება საქონლის ბრუტო-წონა ან სა-ქონ-ლის სხვა რაოდენობრივი მაჩვენებელი.

10. გრაფა N10 \_ მიეთითება საქონლის ანგარიშ-ფაქტურის (ინვოისის) ნომერი და თარიღი.

11. გრაფა N11 \_ მიეთითება სერტიფიკატის გამცემი ორ-განოს უფლებამოსილი პირის თანამდებობა, დამოწმებული მი-სი ხელმოწერით და ბეჭდით.

12. გრაფა N12 \_ ისმება ექსპორტიორის ხელმოწერა და ბეჭედი (არსებობის შემთხვევაში).

13. წარმოშობის სერტიფიკატის შევსების დროს დაცული უნდა იყოს შემდეგი მოთხოვნები:

ა) ბლანკები შესაძლებელია შეივსოს ნებისმიერი ხერხით. ამასთან, ჩანაწერები არ უნდა იშლებოდეს და გარკვევით უნდა იყოს დაწერილი;

ბ) სერტიფიკატებზე აღნიშვნებისა და შესწორებების შემ-თხ-ვევაში აუცილებელია მისი დამოწმება ბეჭდით;

გ) N5, NN6, NN7, NN8, NN9 და NN10 გრაფების შეუვსე-ბელ ნაწილში აუცილებლად უნდა იყოს გასმული ხაზი, მათში შემდგომი დამატებების შეტანის თავიდან ასაცილებლად.

#### **მუხლი 15. პრეფერენციული წარმოშობის სერტიფიკატი CT-1-ის შევსების ენა და გაცემა**

1. პრეფერენციული წარმოშობის სერტიფიკატი CT-1 (შემ-დ-გომში – წარმოშობის სერტიფიკატი CT-1) არის საქონლის აღ-წერის განსაზღვრული ფორმის დოკუმენტი, რომლითაც მისი გაცემისათვის უფლებამოსილი ორგანო ერთმნიშვნელოვნად ადას-ტურებს, რომ საქონელი, რომელზეც გაცემულია ეს სერტიფიკატი, წარმოშობილია მოცემული ქვეყნიდან.

2. წარმოშობის სერტიფიკატი CT-1-ის სერტიფიკატის ბლან-კები უნდა იყოს დაბეჭდილი რუსულ ენაზე.

3. საქართველოში წარმოშობის სერტიფიკატი CT-1-ის გა-ცემისათვის უფლებამოსილი ორგანოები ვალდებული არიან სულ ცოტა 3 წლის განმავლობაში შეინახონ განცხადებები ან სა-კონტროლო ეგზემპლარები, რომლებიც ეხება მათ მიერ გა-ცე-მულ წარმოშობის სერტიფიკატებს CT-1.

4. წარმოშობის სერტიფიკატი CT-1 უნდა გაფორმდეს A4 ფორმატის (210X297 მმ) საერთაშორისო ნიმუშის ბლანკზე, რომელიც შემუშავებულია სტანდარტიზაციის საერთაშორისო ორ-გა-ნიზაციის (სსო) მიერ.

5. წარმოშობის სერტიფიკატი CT-1 ივსება 4 ეგზემპ-ლა-რად, რომელთაგან ერთი არის ფერადი, ხოლო დანარჩენი – თეთ-რი.

6. ფერადი და ორი თეთრი ეგზემპლარი გადაეცემა ექს-პორ-ტიორს, ხოლო ერთი თეთრი ეგზემპლარი რჩება გამცემ ორგანოს.

7. წარმოშობის სერტიფიკატი CT-1-ის როგორც ფერადი, ისე თეთრი ეგზემპლარები წარმოადგენს ორიგინალს. საგადა-სახადო ორგანოში საქონლის ექსპორტისას თეთრი ფერის ეგზემპლარის წარდგენა ნებაყოფლობითია.

8. წარმოშობის სერტიფიკატი CT-1-ის დაზიანების ან და-კარგვის შემთხვევაში ექსპორტიორის განაცხადის საფუძველზე დამატებით შეიძლება გაიცეს წარმოშობის სერტიფიკატი CT-1-ის დუბლიკატი.

9. წარმოშობის სერტიფიკატი CT-1-ის გაცემის შესახებ დადებითი გადაწყვეტილების მიღების შემთხვევაში, გამცემი ორ--განოს უფლებამოსილი პირი ექსპორტიორს გადასცემს დად-გენილი წესით გაფორმებულ წარმოშობის სერტიფიკატი CT-1-ის ეგზემპლარებს და შესაბამის ჩანაწერს აკეთებს რეესტრში.

10. განმცხადებლის მიერ შესაბამისი რაოდენობის წარმო-შობის სერტიფიკატი CT-1-ის მიღება დასტურდება რეესტრში მისი ხელმოწერით.

11. წარმოშობის სერტიფიკატი CT-1 გაიცემა ექსპორ-ტიო-რის განცხადების რეესტრაციიდან არა უგვიანეს 3 სამუ-შაო დღის განმავლობაში.

12. წარმოშობის სერტიფიკატი CT-1-ის გაცემის შესახებ უარყოფითი გადაწყვეტილება უნდა იყოს მოტივირებული, რის შესახებაც ჩანაწერი კეთდება რეესტრში. განმცხადებლის მოთ-ხოვნის შემთხვევაში აღნიშნულის შესახებ გამცემი ორგანო მას აცნობებს წერილობით.

13. წარმოშობის სერტიფიკატი CT-1-ის გაცემისათვის აუ-ცი-ლებელი დოკუმენტებია:

ა) განცხადება (უნდა შეიცავდეს საქონლის დასახელებას სეს ესნ-ის კოდის ოთხნიშნა დონეზე მითითებით, საქონლის ოდენობას, ექსპორტიორისა და იმპორტიორის დასახელებას, მისამართსა და ქვეყანას);

ბ) დეკლარაცია საქონლის კუთვნილებისა და კრიტერიუმების შესახებ, ამ დადგენილების N4 დანართის შესაბამისად;

გ) კონტრაქტი;

დ) ანგარიშ-ფაქტურა.

14. სერტიფიკატის გამცემი ორგანო იტოვებს და ინახავს განცხადებას და ამ მუხლის მე-13 პუნქტში აღნიშნული დოკუმენტების ასლებს დადგენილი წესით.

## **მუხლი 16. პრეფერენციული წარმოშობის სერტიფიკატი EUR.1-ის შევსების ენა და გაცემა**

1. პრეფერენციული წარმოშობის სერტიფიკატი EUR.1 (შე-მდგომში – წარმოშობის სერტიფიკატი EUR.1) არის საქონლის აღწერის განსაზღვრული ფორმის დოკუმენტი, რომლითაც მისი გაცემისათვის უფლებამოსილი ორგანო ერთმნიშვნელოვნად ადასტურებს, რომ საქონელი, რომელზედაც გაცემულია ეს სერტიფიკატი, წარმოშობილია მოცემული ქვეყნიდან.

2. წარმოშობის სერტიფიკატი EUR.1-ის ბლანკები უნდა იყოს დაბეჭდილი ინგლისურ ენაზე.

3. საქართველოში წარმოშობის სერტიფიკატი EUR.1-ის გა-ცე-მისათვის უფლებამოსილი ორგანოები ვალდებული არიან შეინახონ სულ ცოტა 3 წლის განმავლობაში განცხადებები ან საკონტროლო ეგზემპლარები, რომლებიც ეხება მათ მიერ გა-ცემულ წარმოშობის სერტიფიკატებს EUR.1.

4. წარმოშობის სერტიფიკატი EUR.1 უნდა გაფორმდეს A4 ფორმატის (210X297 მმ) საერთაშორისო ნიმუშის ბლანკზე.

5. წარმოშობის სერტიფიკატი EUR.1 ივსება 3 ეგზემპლარად, რომელთაგან ერთი არის ფერადი, ხოლო დანარჩენი – თეთრი.

6. ფერადი და ერთი თეთრი ეგზემპლარი გადაეცემა ექსპორტიორს, ხოლო ერთი თეთრი ეგზემპლარი რჩება გამცემ ორგანოს.

7. წარმოშობის სერტიფიკატი EUR.1-ის როგორც ფერადი, ისე თეთრი ეგზემპლარები წარმოადგენს ორიგინალს. საგადა-სახადო ორგანოში საქონლის ექსპორტისას თეთრი ფერის ეგზემპლარის წარდგენა ნებაყოფლობითია.

8. წარმოშობის სერტიფიკატი EUR.1-ის დაზიანების ან და-კარგვის შემთხვევაში ექსპორტიორის განაცხადის საფუძველ-ზე დამატებით შეიძლება გაიცეს წარმოშობის სერტი-ფი-კატი EUR.1-ის დუბლიკატი.

9. წარმოშობის სერტიფიკატი EUR.1-ის გაცემის შესახებ დადებითი გადაწყვეტილების მიღების შემთხვევაში, გამცემი ორგანოს უფლებამოსილი პირი ექსპორტიორს გადასცემს დად-გენილი წესით გაფორმებულ წარმოშობის სერტიფიკატი EUR.1-ის ეგზემპლარებს და შესაბამის ჩანაწერს აკეთებს რეესტრში.

10. განმცხადებლის მიერ შესაბამისი რაოდენობის წარ-მოშობის სერტიფიკატი EUR.1-ის მიღება დასტურდება რეესტ-რში მისი ხელმოწერით.

11. წარმოშობის სერტიფიკატი EUR.1 გაიცემა ექსპორ-ტიო-რის განცხადების რეგისტრაციიდან არა უგვიანეს 3 სამუშაო დღის განმავლობაში.

12. წარმოშობის სერტიფიკატი EUR.1-ის გაცემის შესახებ უარყოფითი გადაწყვეტილება უნდა იყოს მოტივირებული, რის შესახებაც ჩანაწერი კეთდება

რეესტრში. განმცხადებლის მოთ-ხოვნის შემთხვევაში აღნიშნულის შესახებ გამცემი ორგანო მას აცნობებს წერილობით.

13. წარმოშობის სერტიფიკატი EUR.1-ის გაცემისათვის აუცილებელი დოკუმენტებია:

ა) განცხადება;

ბ) დეკლარაცია საქონლის კუთვნილებისა და კრიტერიუმების შესახებ, ამ დადგენილების N4 დანართის შესაბამისად;

გ) კონტრაქტი;

დ) ანგარიშ-ფაქტურა.

14. წარმოშობის სერტიფიკატი EUR.1-ის გამცემი ორგანო იტოვებს და ინახავს განცხადებას და ამ მუხლის მე-13 პუნქტ-ში აღნიშნული დოკუმენტების ასლებს დადგენილი წესით.

დამტკიცებულია  
საქართველოს მთავრობის  
2010 წლის 29 დეკემბრის  
N 420 დადგენილებით

დანართი N2

**საქონლის შეღავათების გარეშე (არაპრეფერენციული)  
წარმოშობის სერტიფიკატი**

1. ექსპორტიორი (დასახელება, სამართლებრივი ფორმა, იურიდიული მისამართი, ქვეყანა)	2. ნომერი  საქონლის წარმოშობის სერტიფიკატი -----	
3. იმპორტიორი (სამართლებრივი ფორმა, დასახელება, იურიდიული მისამართი, ქვეყანა)		
4. მონაცემები სატრანსპორტო საშუალების, მარშრუტის და ა.შ. შესახებ (აუცილებლობის შემთხვევაში)		
5. საქონლის ადგილების რაოდენობა და საქონლის დასახელება სეს ესნ-ის ოთხნიშნა კოდის მიხედვით	6. საქონლის ბრუტო-წონა	7. ანგარიშ-ფაქტურის (ინვოისის) ნომერი და თარიღი
8. დამატებითი ინფორმაცია	9. ამასთან, დადასტურებულია, რომ ზემოთ ხსენებული საქონლის წარმოშობის ქვეყანა არის:  10. სერტიფიკატის გამცემი ორგანო	

	11. გაცემის თარიღი და დრო
ბ.ა.	12. უფლებამოსილი პირის ხელმოწერა

დამტკიცებულია  
საქართველოს მთავრობის  
2010 წლის 29 დეკემბრის  
N 420 დადგენილებით

დანართი N3

საქონლის შეღავათიანი (პრეფერენციული) წარმოშობის  
სერტიფიკატი \_ ფორმა «A»

1. Goods consigned from (Exporter's business name, address, country)		Reference No  GENERALIZED SYSTEM OF PREFERENCES CERTIFICATE OF ORIGIN (Combined declaration and certificate) Form A  Issued in ..... (country) Sea Notes overleaf			
2. Goods consigned to (consignee's name, address, country)					
3. Means of transport and route (as far as known)		4. For official use			
5. Item number	6. Marks and numbers of packages	7. Number and kind of packages: description of goods	8. Origin criterion (see Notes overleaf)	9. Gross weight or other quantity	10. Number and date of invoices
11. Certification It is hereby certified, on the basis of control carried out, that the declaration by the exporter is correct			12. Declaration by the exporter The undersigned hereby declares that the above details and statements are correct; that all the goods were produced in		



	<p>..... (country)</p> <p>and that they comply with the origin requirements specified for those goods in the Generalised System of Preferences for goods exported to</p> <p>..... (importing country)</p> <p>..... Place and date, signature of authorised signatory</p>
<p>..... Place and date, signatures and stamp of certifying authority</p>	

დამტკიცებულია  
საქართველოს მთავრობის  
2010 წლის 29 დეკემბრის  
N 420 დადგენილებით

დანართი N4

**დეკლარაცია  
საქონლის კუთვნილებისა და კრიტერიუმების შესახებ**

1. განმცხადებელი -----
2. საქონლის დასახელება, რაოდენობა -----
3. წარმოშობის კრიტერიუმი:
  - ა) ქვეყანაში მთლიანად წარმოებული საქონელი -----
  - ბ) უცხოეთში წარმოებული პროდუქცია ან წარმოებაში გამოყენებული იმპორტირებული კომპონენტები (სასაქონლო კოდის მითითებით) და მათი წილი საბოლოო პროდუქტის თვითღირებულებაში -----

----- (შესაძლებელია დოკუმენტური დადასტურება)

4. პროდუქციის მესაკუთრე -----
5. სატრანსპორტო საშუალებები და მსვლელობის მარშრუტი (რამდენადაც ეს ცნობილია) -----

დეკლარირებული მონაცემების სინამდვილეზე პასუხს ვაგებ:

ხელმძღვანელის ხელმოწერა,  
ბეჭედი (არსებობის შემთხვევაში)